

Stjórnarfundur 12. mars 2018

Mættir: Hjörtur Bergstað, María Gunnarsdóttir, Leifur Arason, Heiðrún Sigurðardóttir, Krístrún Ágústsdóttir, Svafar Magnússon og Þórir Örn Grétarsson. Berglind Ragnarsdóttir viðstödd 4. lið fundar.

Málefni tekin fyrir:

1. Fundargerð síðasta fundar

Fundargerð síðasta fundar borin upp og samþykkt samhljóða.

2. Saga Fáks

Helgi Sigurðsson dýralæknir, mun fljótlega klára bók sína um sögu Fáks. Bókin mun enda á síðasta degi Landsmóts 2018. Hjörtur leggur til að í ritnefnd sem mun sjá um yfirlestur bókar verði Hrefna Karlsdóttir, Hilda Karen og Sigurbjörn Bárðarson (formaður), ásamt honum sjálfum og Helga. Tillagan er samþykkt samhljóða.

3. Keppnisjakkar

Hjörtur leggur til að Fákur fái tilboð frá helstu söluaðilum í stóra pöntun af keppnisjökkum og selji jakkana í gegnum félagið með merki Fáks. Tillagan er samþykkt samhljóða.

4. Ársreikningur 2017

Berglind Ragnarsdóttir bókar leggur drög að ársreikningi fyrir stjórn. Stjórn gerir nokkrar athugasemdir og leiðréttingar. Berglind gerir ráð fyrir að endanlegur ársreikningur verði klár á næstu 1-2 dögum.

5. Aðalfundur

Stefnt er á að halda aðalfund Fáks miðvikudaginn 4. apríl nk. Fundurinn verður auglýstur opinberlega með fyrirvara sbr. lögum félagsins. Jafnframt verður auglýst eftir framboðum í lausar stöður í stjórn Fáks.

6. Félagsgjöld

Enn er fjöldi greiðsluseðla fyrir félagsgjöldum ógreiddur, en þar sem þeir voru ekki sendir á pappír þetta árið má ætla að þeir hafi farið framhjá þeim sem ekki nota heimabanka. Stjórn sammælist um að skipta með sér listanum og hringja í þá félagsmenn sem ekki hafa greitt gjöldin.

7. Önnur mál

- a. Stjórn samþykkir að afhenda Berglinni Ragnars lykil að Reiðhöllinni svo hún komist inn til að vinna á skrifstofunni um helgar.

Fleira ekki tekið fyrir og fundi slitið.

HSig. 